

ԳՆԱՀԱՏՄԱՆ ԵՎ ԹԵՍՏԱՎՈՐՄԱՆ ԿԵՆՏՐՈՆ

ԿԵՐՊՈՐԱՐՎԵՍ

ՈՒՍՈՒՑԻՉՆԵՐԻ ԿԱՄԱՎՈՐ ԱՏԵՍՏԱՎՈՐՄԱՆ
ՔՆՆԱԿԱՆ ԹԵՍՏԻ

ՈՒՂԵՑՈՒՅՑ

ԵՐԵՎԱՆ 2024

ՆԱԽԱԲԱՆ

Ուղեցույցում ներկայացվում են ուսուցչի ատեստավորման քննության թեստի կառուցվածքը, տրվում են առաջադրանքների կառուցվածքային տեսակների նկարագրությունը, գնահատման չափանիշները, պատասխանների՝ համակարգչում նշման կարգի բացատրությունները և գրականության ցանկը:

Ուսուցիչների կամավոր ատեստավորման հարցաթերթիկի կազմման համար որպես հիմք են հանդիսացել «Կերպարվեստ» առարկայի հանրակրթական դպրոցի առարկայական ծրագրերը և հանրակրթության պետական չափորոշիչների դրույթները, ինչպես նաև կերպարվեստին առնչվող հիմնարար գիտելիքները:

ԹԵՍՏԻ ԿԱՌՈՒՑՎԱԾՔԸ ԵՎ ԳՆԱՀԱՏՄԱՆ ՉԱՓԱՆԻՇՆԵՐԸ

Թեստը պարունակում է 52 առաջադրանք, որոնցից հնարավոր է վաստակել առավելագույնը 60 միավոր: Բովանդակային առումով թեստում ընդգրկված են կերպարվեստի հետևյալ բաժինները՝ բնօրինակից նկարչություն, թեմատիկ նկարչություն, դեկորատիվ նկարչություն, արվեստի պատմություն և տեսություն: Հարցերը պարունակում են նաև գծանկարի, գունանկարի, ծեփակերտման, դեկորատիվ կիրառական արվեստի և ազգային տարազի շրջանակները շոշափող առաջադրանքներ:

Կառուցվածքային առումով առաջադրանքներն ունեն հետևյալ 2 հիմնական տեսակները՝ ընտրովի պատասխանով և կարճ պատասխանով:

Ընտրովի պատասխանով առաջադրանքների դեպքում տրվում են պատասխանի 4-ական տարբերակներ, որոնցից պետք է ընտրել մեկը: Ճիշտ պատասխանի դեպքում տրվում է 1 միավոր: Սխալ պատասխանի կամ պատասխանի բացակայության դեպքում միավոր չի տրվում:

Կարճ պատասխանով առաջադրանքները 2 տեսակի են՝

- **1-ին տեսակ.** Համապատասխանեցման առաջադրանք է: Տրվում են 4-ական միավորներ, որոնք զույգ-զույգ պետք է համապատասխանեցնել: Համակարգչային լուծման ընթացքը հեշտացնելու նպատակով առաջադրանքը տրոհված է 4 մասի, որոնցից յուրաքանչյուրում համապատասխանեցման ենթակա միավորի համար (դրանք կարող են լինել նկարներ, անուններ, անվանումներ կամ պարզապես հարցեր) տրվում է 4 տարբերակ (դրանցից յուրաքանչյուրը համապատասխանում է տրված միավորներից որևէ մեկին), այնուհետև տրվում է հաջորդ միավորը՝ միևնույն տարբերակներով, նույն կերպ՝ 3-րդը և 4-րդը: Այս 4 ենթակետերը միասին կազմում են մեկ ընդհանուր առաջադրանք, որի համար տրվում է 1 միավոր, եթե բոլոր 4 համապատասխանեցումները ճիշտ են կատարված: Ենթակետերից որևէ մեկի սխալի դեպքում առաջադրանքին միավոր չի տրվում, եթե անգամ մյուս 3-ը ճիշտ են:

Նմուշ

Համապատասխանեցնել նշված վարպետներին իրենց կառուցած ճարտարապետական կառույցներին:

1. Անիի Մայր տաճար

- Մոմիկ
- Սիրանես
- Տրդատ
- Մանուել

2. Նորավանքի Աբ. Աստվածածին եկեղեցի

- Մոմիկ
- Սիրանես
- Տրդատ
- Մանուել

3. Ախթամարի Աբ. Խաչ եկեղեցի

- Մոմիկ
- Սիրանես
- Տրդատ
- Մանուել

4. Արատեսի վանքի գավիթը

- Մոմիկ
- Սիրանես
- Տրդատ
- Մանուել

• **2-րդ տեսակ.**

տրվում են 7-9 պնդումներ, որոնցից պահանջին համապատասխանում են որևէ 3-ը. դրանցից յուրաքանչյուրի համարի ճիշտ նշման դեպքում միավոր է տրվում. Այսպիսով, տվյալ առաջադրանքներից հնարավոր է վաստակել 1, 2 և առավելագույնը 3 միավոր:

ՀԱՄԱԿԱՐԳՉՈՒՄ ՆՇՄԱՆ ԿԱՐԳԸ

Ընտրովի պատասխանով առաջադրանքների դեպքում պետք է նշել ճիշտ պատասխանին համապատասխանող շրջանակը: Միևնույն առաջադրանքի համար մեկից ավելի շրջանակներում նշում կատարելու դեպքում տվյալ առաջադրանքը գնահատվում է 0:

Կարճ պատասխանով առաջադրանքներից **1-ին տեսակի՝** համապատասխանեցման դեպքում յուրաքանչյուրի յուրաքանչյուր ենթակետի համար պետք է նշել ճիշտ պատասխանին համապատասխանող շրջանակը: Բոլոր 4 ենթակետերին ճիշտ պատասխանելու դեպքում տրվում է 1 միավոր: 4 ենթակետերից որևէ մեկի սխալ պատասխանի դեպքում առաջադրանքն ամբողջությամբ գնահատվում է 0:

Կարճ պատասխանով առաջադրանքներից **2-րդ տեսակի** դեպքում պետք է նշել ճիշտ պատասխաններին համապատասխանող 3 վանդակները: Չի կարելի նշել 3-ից ավելի վանդակ. ցանկացած 4 և ավելի վանդակ նշելու դեպքում առաջադրանքը գնահատվում է 0, եթե անգամ ճիշտ են որևէ 1, 2 կամ 3 նշումներ:

ԳՐԱԿԱՆՈՒԹՅԱՆ ՑԱՆԿ

1. Աղայան Ա., Հակոբյան Հ., Ղազարյան Վ., Հասրաթյան Մ., Հայ արվեստի պատմություն, Երևան, Զանգակ-97, 2009, 576 էջ
2. Աղայան Ա., Արվեստի պատմություն. Կերպարվեստ: Ուսումնական ձեռնարկ Երևան, Արմավ, 2020, Գիրք 1, 256 էջ
3. Աղայան Ա., Արվեստի պատմություն. Կերպարվեստ: Ուսումնական ձեռնարկ, Երևան, Արմավ, 2022, 308 էջ

4. Հանրակրթական հիմնական դպրոցի «Կերպարվեստ» առարկայի չափորոշիչ և ծրագիր, 2012թ.
5. Եղիազարյան Ա., Զարդարվեստը հանրակրթական դպրոցում, Եր., Մանկավարժ, 2002թ., 107 էջ
6. Փափազյան Հ., Հայկական տարագ, Եր., 2000թ., 148 էջ

Ծանոթություն: Գրականության ցանկում չնշված որևէ այլ աղբյուր չի կարող հիմք ծառայել բովանդակային բողոքարկման համար: